



PÓST- OG FJARSKIPTASTOFNUN

Drög að ákvörðun varðandi verð og skilmála fyrir ADSL+ og SHDLS + á aðgangsléið 1

Skjal númer	2015040029
Dagsetning	15. apríl 2015

Hér með er óskað viðbragða allra hlutaðeigandi aðila við þeim drögum sem hér liggja fyrir. Allar athugasemdir skulu gerðar með greinanlegum hætti þar sem vísað er í númer skjalsins og þá liði sem um ræðir. Senda skal athugasemdir með pósti eða með tölvupósti á neðangreindan aðila eigi síðar en **7. maí 2015**.

Póst- og fjarskiptastofnun

Suðurlandsbraut 4

108 Reykjavík

Sími 510-1500

Hulda Ástþórsdóttir, netfang: hulda@pfs.is



EFNISYFIRLIT

Bls.

1. Inngangur	3
2. Beiðni Mílu um að hefja sölu á ADSL+ og SHDSL+ á aðgangsléið 1	3
3. Afstaða PFS	4



1. Inngangur

Drög þessi að ákvörðun koma í kjölfar beiðni Mílu ehf. (Míla) um samþykki Póst- og fjarskiptastofnunar (PFS) fyrir breytingu á viðmiðunartilboði félagsins um bitastraumsaðgang að því er varðar nýja þjónustu, þ.e. ADSL+ og SHDSL+ tengingar á aðgangsléið 1 (A1)¹.

Ákvörðunardrögin byggja á ákvörðun PFS nr. 21/2014 um útnefningu fyrirtækis með umtalsverðan markaðsstyrk og álagningu kvaða á heildsölumarkaði fyrir aðgang að heimtaugum (M4) og bitastraumi (M5), dags. 13. ágúst 2014.

Með þessu samráði leggur PFS fram tillögur Mílu að verði og skilmálum fyrir ADSL+ og SHDSL+ tengingar á aðgangsléið 1.

2. Beiðni Mílu um að hefja sölu á ADSL+ og SHDSL+ á aðgangsléið 1

Beiðni Mílu um að hefja sölu á ADSL+ og SHDSL+ á aðgangsléið 1 barst PFS þann 10. apríl 2015. Eftir athugasemdir frá PFS í tölvupósti þann 13. apríl 2015 sendi Míla stofnuninni endurskoðaða beiðni þann sama dag. Með bréfi Mílu fylgdi viðauki 7C við Viðmiðunartilboð um bitastraumsaðgang: „ADSL+ og SHDSL+ á aðgangsléið 1“. Í viðaukanum koma fram verð og skilmálar fyrir þessa þjónustu.

Í bréfi Mílu, dags. 13. apríl 2015, kom eftirfarandi fram:

„Viðskiptavinir Mílu hafa óskað eftir að fá að kaupa ADSL+ og SHDSL+ á aðgangsléið 1. Í dag er þessi þjónusta aðeins í boði í aðgangsléið 3². [...]

Í vinnslu er kostnaðargreining á xDSL þjónustu Mílu og þar á meðal á ADSL+ og SHDSL+. Í ljósi þess að heildarferli gjaldskrárbreytingar er mjög tímafrekt þá óskar Míla eftir því að fá að selja þessa þjónustu í aðgangsléið 1 frá og með 15. júlí n.k. Í samræmi við ákvæði í 891. tölulíð ákvörðunar nr. 21/2014 um útnefningu fyrirtækis með umtalsverðan markaðsstyrk og álagningu kvaða á heildsölumörkuðum heimtauga (M4) og bitastraums (M5) verður þjónustan tilkynnt á vef Mílu með þriggja mánaða fyrirvara. Í umræddum tölulíð kemur eftirfarandi fram:

„PFS telur sérlega mikilvægt að Míla eigi ekki möguleika á að mismuna með óeðlilegum hætti á milli eigin deilda, smásöluarms Skiptasamstæðunnar (og annarra tengdra aðila) og ótengdra aðila varðandi nýjungar á markaði. Þar sem tengdir smásölumarkaðir eru í stöðugri þróun, þurfa ótengdir aðilar að hafa vissu fyrir því að viðeigandi heildsöluvörur séu tiltækar með fullnægjandi fyrirvara, svo þeir geti boðið fram nýja, endurbætta og ódýrari smásöluþjónustu (t.d. meiri hraða á internetaðgangi) á sama tíma og einingar Skiptasamstæðunnar eða aðrir tengdir aðilar. PFS leggur því þá kvöð á Mílu að ótengdum aðilum verði tilkynnt um útbreiðslu, uppbyggingu eða aðra þróun bitastraumskerfis félagsins (og tengdrar þjónustu og aðrar nýjungar sem máli skipta) með sama fyrirvara og öðrum einingum

¹Afhendingu bitastraumsins er í DSLAM eða jafngildum búnaði á þeim stað þar sem koparheimtaugar tengjast tengigrind símstöðvar og/eða tengigrind ljósleiðara í símstöð, götuskáp eða öðru tækjarými.

²Afhending bitastraumsins er eftir flutning með ATM/IP á stofnlínuneti að tengipunkti annars fjarskiptafyrirtækis við síðarnefnda netið.



Skiptasamstæðunnar og öðrum tengdum aðilum. Skal sá fyrirvari ekki undir neinum kringumstæðum vera skemmri en 3 mánuðir.“

Vörurnar ADSL+ og SHDSL+ hafa verið í boði í nokkur ár en þó með inniföldum kostnaði vegna MPLS netsins. Míla lítur svo á að sala á þessum vörum í A1 sé þó ekki ný vara heldur sé um sömu vöru að ræða hvort sem um er að ræða A1 eða A3 [...].

Míla setur það skilyrði fyrir sölu á vörunni að verðið verði ekki til bráðabirgða [...]. Rétt er að taka fram að beiðni þessi kemur til eins og fram hefur komið, vegna óska frá viðskiptavinum en ekki að frumkvæði Mílu og því telur Míla mikilvægt að verð verði ekki ákvarðað til bráðabirgða.

Fari svo að PFS taki þá ákvörðun að verðið verði til bráðabirgða mun Míla draga til baka þessa vöru þar til endanleg ákvörðun liggur fyrir um verð.

Verð fyrir A1 verður því sem hér segir:

	MPLS		
	A3 verð	[...]	A1 verð
ADSL+			
2 Mb/s.....	3.016	[...]	2.416
4 Mb/s.....	3.680	[...]	2.868
8 Mb/s.....	4.562	[...]	3.440
14 Mb/s.....	4.672	[...]	3.550
SDHSL+			
2 Mb/s.....	4.671	[...]	3.978
4 Mb/s.....	7.114	[...]	6.134
5 Mb/s.....	7.614	[...]	6.272
10 Mb/s.....	11.200	[...]	9.651
15 Mb/s.....	13.487	[...]	11.590
20 Mb/s.....	16.701	[...]	14.510

[...]“

3. Afstaða PFS

Samkvæmt ákvörðun PFS nr. 21/2014 hvíla m.a. kvaðir á Mílu um gagnsæi og eftirlit með gjaldskrá fyrirtækisins fyrir breiðbandsaðgang um koparheimtaugar. Breytingar á gjaldskrá og viðmiðunartilboði Mílu er varða breiðbandsaðgang um koparheimtaugar eru því háðar samþykki PFS.

PFS hefur yfirfarið verðskrá Mílu fyrir ADSL+ og SHDSL+ á aðgangsléið 1 og gerir ekki athugasemd við verð Mílu. Í samræmi við ákvörðun PFS nr. 21/2014 mun fara fram heildarendurskoðun á heildsölugjaldskrá Mílu á bitastraumsmarkaði á þessu ári. PFS sér ekki ástæðu til að fresta því að samþykkja verð Mílu fyrir ADSL+ og SHDSL+ á aðgangsléið 1 þar til ný heildsölugjaldskrá fyrir bitastraumspjónustu Mílu verður samþykkt í heild sinni.



Með þessum drögum að ákvörðun er fylgiskjal nr. I sem felur í sér nýjan viðauka 7C við viðmiðunartilboð Mílu um bitastraumsaðgang. Í viðaukanum koma fram verð og skilmálar Mílu fyrir ADSL+ og SHDSL+ tengingar á aðgangleið 1.

Hagsmunaaðilum gefst nú tækifæri á að gera athugasemdir við þessar breytingar á viðmiðunartilboði Mílu.

Eins og fram kemur hér að framan þá ber Mílu að tilkynna aðilum á markaði um útbreiðslu, uppbyggingu eða aðra þróun bitastraumskerfis félagsins (og tengdrar þjónustu og aðrar nýjungar sem máli skipta) með 3 mánaða fyrirvara, í samræmi við ákvörðun PFS nr. 21/2014. Míla hefur nú birt tilkynningu um þessa nýju þjónustu á heimasíðu sinni.

Ný verðskrá og skilmálar Mílu ehf. fyrir ADSL+ og SHDSL+ á aðgangleið 1 munu taka gildi eftir birtingu ákvörðunar PFS að loknu samráði við Eftirlitsstofnun EFTA (ESA) en þó ekki fyrir en 3 mánaða tilkynningafrestur Mílu er liðinn, þ.e. 15. júlí 2015.